



28. februar 2024

UPA 2024/114

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Inatsisartut inatsisaat nr. 19, 30. oktober 1992-meersumi, Inatsisartullu inatsisaanni nr. 23, 18. november 2019-mi allanngortinneqarsimasoq, siunertaavorlu sukkulaanut, allanullu sukkulaartalinnut (kakaaviunngitsoq), lakridsinut, allanullu lakridsitalinnut, marcipanit allaallu marcipanitallit, karamellit, milukaat, sukkuvaqqat il.il. sukkullit sukkoqanngitsullu § 1, imm. 1. nr. 2-miittunut akitsuutip peerneqarnissaa pillugu Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu C. Jerimiassen, Atassut)

Tunngavilersuut

Pisiassat akitsoralutuinnarneri pillugit immikkut suliniuteqartariaqalerluinnarpugut.

Oqaannartoqarsinnaanngilarmi peqqinnerulissagattagoq akitsuusersuisoqartoq, taamatummi oqalunneq sianiilliornerunngippat inuit kaasarfianniit aallerniarfissaannartut isigineqartariaqarpoq.

Atassummiit oqartuaannarpugut, kaasarfiit aallertarfiunngillat, aningaasaq avataanit pilersissavarput. Malunnaatilimmilli inuit akissaqassusaannut allannguissagutta akitsuutip peerneqarnissaa Atassummiit siunnersuutigaarput.

Akikinerulersitsisinnaanermillumi siunnersuuteqassagaangatta Atassummiit pingaartuutittarparput qanoq aningaasalersorneqarnissaanik oqariartoqqaartarnerput, asuli tusaqusaaginnaqinata tusarneraaginnaqinalu.

Taamaattumik konto pingaarneq 24.11.10-mi aningaasat tagginneqarsimasut kr.24mio-nik appartinneqarnissaat siunnersuutigerusupparput, naalackersuisullu tamanna naammasseriissagaat UKA2024 pitinnagu. Imatullu aningaasalersorneqarnissaat kaammattuutigiumavarput, Naalackersuisoqarfiit aningaasalersorneqarnerannit 10%-imik ilanngaanikkut tamanna pilersinneqarsinnaasoq, uku konto pingarnerit innersuullugit 10.01.01, 20.01.01, 30.01.01, 31.01.01, 34.01.01, 40.01.01, 50.01.01, 64.01.01, 66.01.01, 67.01.01, 70.01.01, 73.01.01.

Taakkulu tamaasa immikkut 10%-imik aallerfiginerisigut aningaasat kr.24mio-nik annertussusillit nassaarinqarsinnaapput. Taakkulu taamaalilluni innuttaasut kaasarfiinut utertinneqarsinnaapput.



Taamatut Atassummiit siunnersuuteqarluta neriutigaarput inatsisartoqatit siunnersuut ilassilluarumaaraat.

Aningaasatigut ingerlatsinikkullu pisortanut kingunerisassai:

Siunnersuutip kingunerissavaa 50 mio. kr.-nik annasaqarneq. Matussusisussatullu siunnersuutigisatta 24 mio. kr. matussusersinnaavai. Taamaattumik 26 mio. kr. matussuserneqanngillat.

Namminersortunut aningaasarsiornikkut allaffissornikkullu kingunerisassai:

Namminersortunut annerusumik kinguneqartitsinaviannngilaq.

Innuttaasunut aningaasarsiornikkut allaffissornikkullu kingunerisassai:

Innuttaasut akikinnerusunik pisisinnaalissapput akitsuusersugaajunnaarpata.